

Հաստատված է
«Ֆրիդոմ Ֆինանս Արմենիա» ՍՊԸ
Տնօրենի կողմից
«15» Հունիս 2024
Տնօրեն՝ Հովակիմյան



«ՖՐԻԴՈՍ ՖԻՆԱՆՍ ԱՐՄԵՆԻԱ» ՍՊԸ-Ի՝ ՈՐՊԵՍ ԿԱՐԳԱՎՈՐՎՈՂ ՇՈՒԿԱՅԻ
ՀԱՇՎԱՐԿԱՅԻՆ ՀԱՄԱԿԱՐԳԻ ԱՆԴԱՄԻ ԳՈՐԾՈՒՆԵՈՒԹՅԱՆ ԿԱՆՈՆՆԵՐ

Երևան, 2024

ԳԼՈՒԽ 1. ԿԱՐԳԱՎՈՐՈՂ ԱՌԱՐԿԱՆ

- 1.1 Սույն Կանոններով կարգավորում է «Ֆրիդոմ Ֆինանս Արմենիա» ՍՊԸ-ի (այսուհետ նաև՝ Համակարգի անդամ) կողմից «ՀՀ Կենտրոնական Դեպոզիտարիա» ԲԲԸ-ի (այսուհետ նաև՝ Կենտրոնական դեպոզիտարիա կամ ՀԿԴ) հետ կնքված պայմանագրին համապատասխան Կենտրոնական Դեպոզիտարիայի կողմից մատուցվող Արժեթղթերի հաշվառման և հաշվարկային միասնական համակարգում արժեթղթերով գործառնությունների՝ քլիրինգի և վերջնահաշվարկի գործընթացը:
- 1.2 Սույն Կանոնները մշակված են ՀՀ քաղաքացիական օրենսգրքի, «Արժեթղթերի շուկայի մասին» ՀՀ օրենքի, ՀՀ Կենտրոնական բանկի (այսուհետ՝ ՀՀ ԿԲ) նորմատիվ իրավական ակտերի, «Հայաստանի Կենտրոնական դեպոզիտարիա» ԲԲԸ կանոնների և արժեթղթերի ռլորտը կարգավորող այլ իրավական ակտերի պահանջներին համապատասխան:

ԳԼՈՒԽ 2. ՀԱՍԿԱՑՈՒԹՅՈՒՆՆԵՐ

«Հաշվետեր». անձ, որն ունի (որի անունով առկա է) Համակարգում բացված արժեթղթերի հաշիվ.

«Համակարգի անդամ». անձ, որը Կենտրոնական դեպոզիտարիայի հետ կնքել է պայմանագիր որպես Համակարգի անդամ Կանոնների համաձայն Համակարգում Գործառնություններ կատարելու վերաբերյալ.

«Ծրագրային համակարգ». Կենտրոնական դեպոզիտարիայի գործառնությունների իրականացումն ապահովող համակարգչային ծրագրերի ամբողջություն.

«Կարգավորվող շուկայի հաշվարկային համակարգի անդամ» կամ **«ԿՇՀՀԱ»** Համակարգի անդամ, որը Կենտրոնական դեպոզիտարիայի հետ կնքած պայմանագրով և Կանոններով սահմանված իրավասությունների շրջանակում Կենտրոնական դեպոզիտարիային է փոխանցում իր կամ իր հաճախորդից ստացված այն Հանձնարարականները և տեղեկությունները (փաստաթղթերը), որոնք անհրաժեշտ են Համակարգի միջոցով Կարգավորվող շուկայում, ինչպես նաև Կարգավորվող շուկայի օպերատորի կողմից կազմակերպվող արտարժույթի առևտրի հարթակում գործարքների կնքման համար.

«Հանձնարարական». Համակարգում Գործառնություններ (բացառությամբ տեղեկությունների տրամադրման) կատարելու համար հիմք հանդիսացող թղթային կամ էլեկտրոնային փաստաթուղթ:

«Գործառնություն». Համակարգում գրանցված արժեթղթի Հաշվետիրոջ, Թողարկողի, վերջիններիս լիազորված ներկայացուցիչների կամ ՀՀ օրենսդրությամբ սահմանված այլ անձանց Հանձնարարականի հիման վրա իրականացվող գործողություն, որի արդյունքում տեղի է ունենում Արժեթղթերի հաշվի բացում, Արժեթղթերի հաշվում առկա տեղեկությունների փոփոխություն, Արժեթղթերի հաշվի փակում, Արժեթղթերի հաշվում գրանցված արժեթղթերի մնացորդի փոփոխություն, Համակարգում այլ տեղեկությունների գրանցում և/կամ Համակարգից տեղեկությունների տրամադրում:

«Կարգավորվող շուկայի օպերատոր». «Հայաստանի ֆոնդային բորսա» բաց բաժնետիրական ընկերություն.

«Կարգավորվող շուկա». Կարգավորվող շուկայի օպերատորի կողմից կազմակերպվող արժեթղթերի շուկա.

«Առևտրային արգելադրում». Արգելադրման տեսակ, որն անհրաժեշտ է Կարգավորվող շուկայում, ինչպես նաև Կարգավորվող շուկայի օպերատորի կողմից կազմակերպվող արտարժույթի առևտրի հարթակում առևտուր իրականացնելու համար.

«Արգելադրում». Գործառնություն, որի արդյունքում Համակարգում արժեթղթերի փոխանցումներն արգելվում կամ սահմանափակվում են Կանոններով և/կամ օրենսդրությամբ սահմանված դեպքերում, կարգով և ժամանակահատվածում.

«Արգելադրման դադարեցում». Գործառնություն, որի արդյունքում դադարեցվում է Արգելադրումը:

«Առևտրային օր». աշխատանքային օր, որի ընթացքում Կարգավորվող շուկայում, ինչպես նաև Կարգավորվող շուկայի օպերատորի կողմից կազմակերպվող արտարժույթի առևտրի հարթակում իրականացվում է արժեթղթերի և/կամ արտարժույթի առևտուր.

«Առևտրային նստաշրջան». Առևտրային օրվա ժամանակահատված, որի ընթացքում իրականացվում է Կարգավորվող շուկայում արժեթղթերի կամ Կարգավորվող շուկայի օպերատորի կողմից կազմակերպվող արտարժույթի առևտրի հարթակում արտարժույթի առևտուր.

«Առևտրային հաշիվ». ՀՀ Կենտրոնական բանկում Կենտրոնական դեպոզիտարիայի անունով որևէ արժույթով բացված հատուկ բանկային հաշիվ, որը նախատեսված է Համակարգի անդամների Դրամական հաշիվներում հաշվառվող դրամական միջոցները պահելու համար. ՀՀ Կենտրոնական բանկում՝ Կենտրոնական դեպոզիտարիայի անունով որևէ արժույթով բացված հաշիվ, որը նախատեսված է տվյալ առևտրային օրվա ընթացքում Հաշվի Օպերատորի կամ կարգավորվող շուկայի հաշվարկային համակարգի անդամի և/կամ նրա հաճախորդի այն դրամական միջոցների փոխանցման համար, որոնցով կապահովվի կարգավորվող շուկայում կամ դրանից դուրս արժեթղթերով կնքված գործարքների վերջնահաշվարկը կամ որոնցով կապահովվի շահութաբաժինների, արժեկտրոնների կամ պարտատոմսերի մարմանն ուղղված դրամական միջոցների վճարումների իրականացումը:

«Գործարքի կնքում». Առևտրային նստաշրջանի ընթացքում Կարգավորվող շուկայի հաշվարկային համակարգի անդամների միջև Կարգավորվող շուկայի օպերատորի կանոններով սահմանված կարգով արժեթղթերի կամ արտարժույթի առուվաճառքի էական պայմանների վերաբերյալ համաձայնության կայացում.

«Անվանատեր». անձ, որի անունով, առանց սեփականության իրավունքի փոխանցման, հաշվառվում են այլ անձանց պատկանող անվանական արժեթղթերը.

«Հաճախորդ». անձ, որի հետ Հաշվի օպերատորը կամ Համակարգի անդամը (Պահառուն) ունի արժեթղթերի Պահառության գործող պայմանագիր կամ պատրաստվում է կնքել Պահառության պայմանագիր «Արժեթղթերով գործառնությունների ուղեկցման և աջակցման ստորաբաժանում».

«Պետական պարտատոմսեր». ՀՀ ֆինանսների նախարարության կողմից թողարկված պետական (գանձապետական) պարտատոմսեր

«Օտարերկրյա արժեթուղթ». օտարերկրյա պետության, միջազգային կազմակերպության, օտարերկրյա պետության կողմից գրանցված իրավաբանական անձի կամ ներդրումային

հիմնադրամի կամ իրավաբանական անձի կարգավիճակ չունեցող գույքային համալիրի կողմից թողարկված արժեթուղթ, որի սեփականատերերի ռեկ

«Կենտրոնական դեպոզիտարիայի կանոն» «Հայաստանի կենտրոնական դեպոզիտարիա» ԲԲԸ .Արժեթղթերի հաշվառման և հաշվարկային միասնական համակարգի գործունեության կանոններ

Սույն կանոններում կիրառվող հասկացություններն ունեն «Արժեթղթերի շուկայի մասին» ՀՀ օրենքով (այսուհետ նաև՝ Օրենք), դրա հիման վրա ընդունված ՀՀ ԿԲ, «Հայաստանի Կենտրոնական Դեպոզիտարիա» ԲԲԸ-ի «Արժեթղթերի հաշվառման և հաշվարկային միասնական համակարգի գործունեության» կանոնների և ՀՀ արժեթղթերի շուկան կարգավորող այլ նորմատիվ իրավական ակտերով սահմանված նշանակություն:

ԳԼՈՒԽ 3. ԱՐԺԵԹՂԹԵՐՈՎ ԿՆՔՎԱԾ ԳՈՐԾԱՐՔՆԵՐԻ ՔԼԻՐԻՆԳԻ և ՎԵՐՋՆԱՀԱՇՎԱՐԿԻ ԻՐԱԿԱՆԱՑՄԱՆ ԵՂԱՆԱԿԸ և ՍԿԶԲՈՒՆՔՆԵՐԸ

3.1. «Ֆրիդոմ Ֆինանս Արմենիա» ՍՊԸ, որպես Համակարգի անդամ սույն կանոններով սահմանված կարգով, ինչպես նաև Կենտրոնական դեպոզիտարիայի հետ կնքած «Արժեթղթերի հաշվարկային և հաշվառման միասնական համակարգի անդամի կարգավիճակի» շնորհման Պայմանագրի (այսուհետ սույն բաժնում՝ նաև Պայմանագիր) համաձայն՝ Համակարգի ծառայությունների մատուցումը միջնորդավորում է այնքանով, որքանով դա հնարավոր է դարձնում Համակարգի անդամի կողմից Կարգավորվող շուկայում արժեթղթերով գործառնությունների իրականացման նպատակով իր կամ իր հաճախորդից ստացված հանձնարարականները կատարել: Նշված հանձնարարականների կատարման նպատակով ԿՀՀՀԱ-ն (այսուհետ՝ Համակարգի անդամը) իր կամ իր հաճախորդի արժեթղթերի հաշիվը սպասարկող Հաշվի Օպերատորի կողմից ստանում է տվյալ արժեթղթերի հաշվում առկա արժեթղթերով կարգավորվող շուկայում առևտուր իրականացնելու իրավունք, որի արդյունքում Համակարգի անդամն իրավասու է արժեթղթերի հաշվով կատարել հետևյալ գործառնությունները՝

1) իր կամ իր հաճախորդի արժեթղթերի հաշվում առկա արժեթղթերի առևտրային արգելադրում կամ դադարեցում:

2) իր կամ իր հաճախորդի հաշվին դրամական միջոցների դեպոնացում, ապա դեպոնացում:

Առևտրային նստաշրջանի ավարտից մեկ ժամվա ընթացքում Հաշվի Օպերատորը իր հաճախորդին տրամադրում է հաշվետվություն արժեթղթերի հաշվի մնացորդի վերաբերյալ (արժեթղթերի հաշվից քաղվածք):

3.2. Համակարգի անդամը մասնավորապես առևտրային արգելադրման, առևտրային արգելադրման դադարեցման, ինչպես նաև դրամական միջոցների դեպոնացման համար անհրաժեշտ տվյալները մուտքագրում է ծրագրային համակարգ համապատասխան հանձնարարականի ձևավորման միջոցով և հետագա քայլերն իրականացնում ծրագրային համակարգի կողմից ստացված հաղորդագրություններին համապատասխան: Ծրագրային համակարգում հանձնարարականի ընդունումը կամ մերժումը հավաստիացվում է ծրագրային համակարգի կողմից ձևավորված հաղորդագրությունների միջոցով: Վճարման հանձնարարականները և դրանց կատարումը հավաստող հաստատումներն առաքվում են ՀՀ Կենտրոնական բանկի Էլեկտրոնային վճարումների համակարգի միջոցով:

3.3. Համակարգի անդամը սույն բաժնի դրույթներով սահմանված հանձնարարականները, ծրագրային համակարգ է մուտքագրում սույն բաժնի դրույթներով սահմանված կարգով և սահմանված ժամկետներին համապատասխան:

3.4. Կարգավորվող շուկայում արժեթղթերով կնքված գործարքների վերջնահաշվարկի կատարման ապահովման նպատակով Համակարգի անդամը մինչև առևտրային նստաշրջանի սկիզբը կամ առևտրային նստաշրջանի ընթացքում սույն բաժնի դրույթներով սահմանված կարգով իրականացնում է.

1) Իր կամ իր հաճախորդի (իր՝ որպես անվանատիրոջ), արժեթղթերի հաշիվներում այն արժեթղթերի առևտրային արգելադրումը, որոնցով Համակարգի անդամը նախատեսում է իր կամ իր հաճախորդի հաշվին վաճառքի գործառնություններ կատարել առևտրի ընթացքում: Սույն կետում նշված արժեթղթերի հաշիվներում արգելադրված արժեթղթերը հանդիսանում են Համակարգի անդամի կողմից վաճառքի պարտավորությունների կատարման ապահովման միջոց.

2) Իր կամ իր հաճախորդի (իր՝ որպես անվանատիրոջ) իրավասու դրամական հաշվից առևտրային հաշվին դրամական միջոցների այնպիսի ծավալի փոխանցում, որոնցով Համակարգի անդամը նախատեսում է իր կամ իր հաճախորդի հաշվին առքի գործառնություններ կատարել առևտրի ընթացքում: Առևտրային հաշվին փոխանցված դրամական միջոցները հանդիսանում են Համակարգի անդամի կողմից գնման գործարքների կատարման ապահովման միջոց:

3.5. Արժեթղթերի առևտրային արգելադրում և դրա դադարեցում: Արժեթղթերի առևտրային արգելադրման իրականացման համար Համակարգի անդամը ծրագրային համակարգի համապատասխան բաժին է մուտքագրում հետևյալ տեղեկությունները.

1) արժեթղթերի հաշվի համարը.

2) արգելադրվող արժեթղթերի տարբերակիչ ծածկագիրը.

3) արժեթղթերի արգելադրման ենթակա քանակը.

4) համապատասխան իրավասու դրամական հաշվի համարը (նշվում է այն արժույթով իրավասու դրամական հաշվի համարը, որով արտահայտված է արգելադրվող արժեթուղթը):

3.6. Համակարգի անդամն արժեթղթերի նախնական դեպոնացման նպատակով առևտրային արգելադրման տվյալները.

Մ Հաճախորդից ընդունում է ոչ ուշ քան առևտրային օրվա ժամը 10:10

Մ ծրագրային համակարգ է մուտքագրում ոչ ուշ քան առևտրային օրվա 10:30 –ը (եթե այլ ժամ նախատեսված չէ ՀԿԴ-ի կողմից) :

3.7. Ծրագրային համակարգը. Համակարգի անդամ կողմից մուտքագրված տվյալների հիման վրա ձևավորված առևտրային արգելադրման հանձնարարականում ներառված տեղեկությունները համեմատում է (ավտոմատ կերպով) ծրագրային համակարգում առկա նույնաբովանդակ տեղեկությունների հետ: Համեմատությունը կատարվում է ըստ հանձնարարականների մուտքագրման հաջորդականության: Համեմատության արդյունքում ծրագրային համակարգը տեղեկացնում է Համակարգի անդամին համապատասխան հաղորդագրության միջոցով արժեթղթերի առևտրային արգելադրման հանձնարարականում հայտնաբերված անհամապատասխանությունների վերաբերյալ: Ի հայտ եկած

անհամապատասխանությունների վերաբերյալ ուղղումը Համակարգի անդամն իրականացնում է արժեթղթերի նախնական դեպոնացման գրանցման համար նախատեսված ժամից ոչ ուշ, քան տվյալ առևտրային նստաշրջան ընդգրկող աշխատանքային օրվա ժամը 10:30 –ը:

3.8. Առևտրային նստաշրջան ընդգրկող աշխատանքային օրվա ժամը 10:30-ից հետո մուտքագրված առևտրային արգելադրման հանձնարարականի կատարումը ծրագրային համակարգի կողմից իրականացվում է արժեթղթերի լրացուցիչ դեպոնացման ձևով:

3.9. Արժեթղթերի առևտրային արգելադրումը դադարեցումը իրականացվում է ստորև ներկայացվող դեպքերից առնվազն յուրաքանչյուրով.

- 1) արժեթղթերի առևտրային արգելադրման հանձնարարականի հիման վրա.
- 2) Կարգավորվող շուկայում առևտրի ընթացքում Համակարգի անդամի կողմից արգելադրված արժեթղթերի ապադեպոնացման արդյունքում
- 3) Կարգավորվող շուկայում առևտուր իրականացնելու Համակարգի անդամի իրավունքը կասեցման կամ դադարեցման դեպքում.
- 4) Համակարգի անդամի կարգավիճակի դադարեցման դեպքում.
- 5) եթե Կենտրոնական դեպոզիտարիան մինչև տվյալ առևտրային օրվա ժամը 10:10 պետական իրավասու մարմինների կողմից ստացվել է արգելանքի կամ սնանկության մասին համապատասխան որոշում: Սույն կետում նշված ժամից ուշ ստացված որոշումից բխող գործառնությունները կատարվում են առևտրային նստաշրջանի արդյունքների վերջնահաշվարկից հետո:

3.10. Սույն գլխի 3.9 կետով սահմանված հիմքերով (բացառությամբ «2») ենթակետի) արգելադրված արժեթղթերի արգելադրման դադարեցումը տվյալ օրվա առևտրային նստաշրջանի համար կատարվում է մինչև նույն առևտրային օրվա ժամը 10:30-ը կամ Կարգավորվող շուկայում կնքված գործարքների վերջնահաշվարկն ավարտելուց հետո: Սույն գլխի 3.9 կետի 2) ենթակետով սահմանված դեպքում արժեթղթերի առևտրային արգելադրման դադարեցումն իրականացվում է առևտրային նստաշրջանի ընթացքում արժեթղթերի ապադեպոնացման իրականացման սույնկետում սահմանված ժամկետներում:

3.11. Ծրագրային համակարգում առևտրային արգելադրման դադարեցման հանձնարարականի կազմման համար Համակարգի անդամն ընտրում է արգելադրումը դադարեցվող արժեթղթերի առևտրային արգելադրման համապատասխան հանձնարարականը,

- 1) մուտքագրում է արժեթղթերի այն քանակը, որը պետք է մնա առևտրային արգելադրման կարգավիճակով՝ ոչ ամբողջական առևտրային արգելադրման դադարեցման դեպքում.
- 2) իրականացնում է տվյալ հանձնարարականի չեղարկում՝ ամբողջական առևտրային արգելադրման դադարեցման դեպքում:

3.12. Ծրագրային համակարգը մուտքագրված տվյալները համեմատում է (ավտոմատ կերպով) Համակարգում առկա նույնաբովանդակ տեղեկությունների հետ: Համեմատությունը կատարվում է ըստ հանձնարարականների ստացման հաջորդականության: Համեմատության արդյունքում ծրագրային համակարգը տեղեկացնում է Համակարգի անդամին համապատասխան հաղորդագրության միջոցով արժեթղթերի առևտրային արգելադրման

դադարեցման գրանցման կամ մերժման մասին՝ միաժամանակ տեղեկացնելով նաև մերժման պատճառի մասին: Համակարգի անդամը՝ Արժեթղթերով գործառնությունների ուղեկցման և աջակցման ստորաբաժանման աշխատակիցը հանդես եկած անհամապատասխանություններն ուղղում է ոչ ուշ քան առևտրային օրվա 10:30-ը կամ Կարգավորվող շուկայում կնքված գործարքների վերջնահաշվարկն ավարտելուց հետո:

ԳԼՈՒԽ 4. ԴՐԱՄԱԿԱՆ ՄԻՋՈՑՆԵՐԻ ՓՈԽԱՆՑՈՒՄԸ ՆԱԽՆԱԿԱՆ ԴԵՊՈՆԱՑՄԱՆ ՆՊԱՏԱԿՈՎ

4.1. Կարգավորվող շուկայում կնքված գործարքների վերջնահաշվարկի կատարման ապահովման նպատակով Համակարգի անդամն անմիջապես մինչև առևտրային նստաշրջանի սկիզբը, իր իրավասու դրամական հաշիվներից Կենտրոնական դեպոզիտարիայի առևտրային հաշվին է փոխանցում (դեպոնացնում) Կարգավորվող շուկայում արժեթղթերի առևտրի համար նախատեսված դրամական միջոցները:

4.2. Դրամական միջոցների փոխանցումը Կենտրոնական դեպոզիտարիայի առևտրային հաշվին իրականացվում է ՀՀ Կենտրոնական բանկ ներկայացված համապատասխան հանձնարարականների հիման վրա: Հանձնարարականները ներկայացվում են էլեկտրոնային եղանակով, իսկ էլեկտրոնային եղանակով ներկայացման անհնարինության դեպքում՝ թղթային եղանակով:

4.3. Համակարգի անդամը դրամական միջոցների նախնական դեպոնացման նպատակով առևտրային հաշվին փոխանցված դրամական միջոցների վերաբերյալ ոչ ուշ քան առևտրային օրվա ժամը 10:30-ը ծրագրային համակարգի համապատասխան հանձնարարականում մուտքագրում է հետևյալ տվյալները՝

- 1) դրամական միջոցների գումարը.
- 2) արժեթղթերի հաշվի համարը:

4.4. Ծրագրային Համակարգը Կենտրոնական դեպոզիտարիայի առևտրային հաշվին փոխանցված դրամական միջոցների վերաբերյալ տվյալները համեմատում է (ավտոմատ կերպով) ծրագրային համակարգում առկա նույնաբովանդակ տեղեկությունների հետ: Համեմատությունը կատարվում է՝ ըստ հանձնարարականների ստացման հաջորդականության: Համեմատության արդյունքում ծրագրային համակարգը տեղեկացնում է Համակարգի անդամին համապատասխան հաղորդագրության միջոցով դրամական միջոցների դեպոնացումը հաջող կերպով կատարման, ինչպես նաև դրամական միջոցների դեպոնացման համապատասխան հանձնարարականում հայտնաբերված անհամապատասխանությունների վերաբերյալ: Դրամական միջոցների նախնական դեպոնացման նպատակով Համակարգի անդամն ի հայտ եկած անհամապատասխանություններն ուղղում է ոչ ուշ, քան առևտրային օրվա մինչև 10:30-ը:

4.5. Առևտրային օրվա 10:30-ից հետո ստացված առևտրային հաշվին փոխանցված դրամական միջոցների վերաբերյալ տվյալների և հանձնարարականների ընդունումը ծրագրային համակարգ կատարվում է դրամական միջոցների լրացուցիչ դեպոնացման լրացուցիչ փուլերում:

ԳԼՈՒԽ 5. ԱՌԵՎՏՐԱՅԻՆ ՆՍՏԱՇՐՋԱՆԻ ԸՆԹԱՑՔՈՒՄ ԱՐԺԵԹՂԹԵՐԻ ԵՎ/ԱՄ ԴՐԱՄԱԿԱՆ ՄԻՋՈՑՆԵՐԻ ԼՐԱՑՈՒՑԻՉ ԴԵՊՈՆԱՑՈՒՄ

5.1. Համակարգի անդամն առևտրային նստաշրջանի ընթացքում կարող է կատարել արժեթղթերի և/կամ դրամական միջոցների լրացուցիչ դեպոնացում 10:30-ից մինչև 14:45-ն ընկած ժամանակահատվածում:

5.2. Արժեթղթերի և/կամ դրամական միջոցների լրացուցիչ դեպոնացման նպատակով Համակարգի անդամը նույն առևտրային օրվա ժամը 10:30-ից մինչև ոչուշ քան ժամը 14:45-ն ծրագրային համակարգ է մուտքագրում համապատասխան հանձնարարականները:

5.3. Ծրագրային համակարգը Համակարգի անդամի կողմից մուտքագրված տվյալների հիման վրա ձևավորված առևտրային արգելադրման հանձնարարականում ներառված տեղեկությունները համեմատում է (ավտոմատ կերպով) ծրագրային համակարգում առկա նույնաբովանդակ տեղեկությունների հետ; Համեմատությունը կատարվում է ըստ հանձնարարականների մուտքագրման հաջորդականության: Համեմատության արդյունքում Ծրագրային համակարգը տեղեկացնում է Համակարգի անդամին համապատասխան հաղորդագրության միջոցով հանձնարարականում հայտնաբերված անհամապատասխանությունների վերաբերյալ: Համակարգի անդամը հանդես եկած անհամապատասխանությունները ուղղում է ոչ ուշ քան առևտրային օրվա 14:45 –ը:

5.4. Առևտրային օրվա 14:45-ից հետո մուտքագրված և ծրագրային համակարգի կողմից կատարված առևտրային արգելադրման հանձնարարականում ներառված տեղեկությունները Կարգավորվող շուկա են մտնում հաջորդ առևտրային օրը:

ԳԼՈՒԽ 6. ԿԱՐԳԱՎՈՐՎՈՂ ՇՈՒԿԱՅԻ ՕՊԵՐԱՏՈՐԻ ՏԵՂԱԲԱՇԽՄԱՆ ՀԱՄԱԿԱՐԳԻ ՄԻՋՈՑՈՎ ԱՐԺԵԹՂԹԵՐԻ ՏԵՂԱԲԱՇԽՈՒՄԸ

6.1. ԿՇՀՀԱ-ն Կարգավորվող շուկայի Օպերատորի «Արժեթղթերի տեղաբաշխման և կազմակերպան կանոններով» սահմանված կարգով իր կամ այլ թողարկողի կողմից թողարկված արժեթղթերը տեղաբաշխելու նպատակով սույն կանոններով սահմանված կարգով և ժամկետներում իրականացնում է արժեթղթերի առևտրային արգելադրում թողարկված արժեթղթերի հաշվին:

6.2. Կարգավորվող շուկայի տեղաբաշխման հարթակում արժեթղթերի տեղաբաշխումից հետո թողարկված արժեթղթերի հաշվում արգելադրված արժեթղթերի առկայության դեպքում ԿՇՀՀԱ-ն ծրագրային համակարգում իրականացնում է առևտրային արգելադրման դադարեցում սույն կանոններով սահմանված կարգով և ժամկետներում:

6.3. Դրամական միջոցների դեպոնացումը, ապադեպոնացումը, արժեթղթերով կնքված գործարքների քլիրինգը և վերջնահաշվարկը կատարվում է սույն կանոններով սահմանված կարգով:

ԳԼՈՒԽ 7. ԿԱՆՈՆՆԵՐՈՒՄ ՓՈՓՈԽՈՒԹՅԱՆ ԵՎ ԼՐԱՑՈՒՄՆԵՐԻ ԿԱՏԱՐՄԱՆ ԿԱՐԳԸ

7.1. Սույն կանոններով սահմանված ծառայությունները մատուցվում են համաձայն Կենտրոնական դեպոզիտարիայի կանոնների ընթացակարգով, այլ բան սահմանված չլինելու դեպքում :

7.2. Սույն պայմանները, այդ թվում՝ հավելվածները կարող են փոփոխվել Հաշվի օպերատորի կամ Համակարգի անդամի կողմից միակողմանիորեն, ընդ որում՝ Հաշվի օպերատորը կամ Համակարգի անդամը պարտավոր է սույն պայմաններում կատարված փոփոխությունների և լրացումների ուժի մեջ մտնելուց առնվազն 10 օր առաջ այդ մասին ծանուցել Հաճախորդին:

7.3. Մույն կանոններում կատարված ընդհանուր բնույթի փոփոխությունների և լրացումների հետ կապված բոլոր ծանուցումները տեղակայվում են Համակարգի անդամի պաշտոնական ինտերնետային կայքում: Այդ ծանուցումները հաճախորդի հայտում նշված եղանակով ուղարկվում են նաև Հաճախորդներին: